



TOSHKENT DAVLAT YURIDIK UNIVERSITETI REKTORINING B U Y R U G ' I

14.11.2024

795-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda.

Shunga qaramasdan, universitetning ayrim talabalari tomonidan o'quv intizomi, Odob-axloq kodeksi va ichki tartib qoidalarini buzish holatlari kuzatilmoqda. Jumladan, Xalqaro huquq va qiyosiy huquqshunoslik fakulteti 4-kurs talabasi Xudoyberdiyev Javlonbek Ikrom o'g'li Odob-axloq kodeksi va ichki tartib qoidalar bilan tanishtirilgan bo'lsada, 2024-yilning 11-noyabr kuni Xususiy huquq fakulteti 1-kurs talabasi Baxronova Shahlo Faxriddin qizini ko'rish maqsadida Xususiy huquq fakulteti xodimlarining ruxsatisiz Davlat va huquq nazariyasi modulining ma'ruza dars mashg'ulotiga kirib o'tirgan. Ushbu qoidabuzarlik Xususiy huquq fakulteti xodimlari tomonidan aniqlangan va talaba J.Xudoyberdiyev ma'ruza dars mashg'ulotidan olib chiqilib, tushuntirish xati olingan. Shuningdek, talaba J.Xudoyberdiyev shaxsiy avtomobilini universitetning 4-binosi hududidagi to'xtash mumkin bo'lmagan joyda qoldirgan.

Ushbu harakatlari bilan talaba Odob-axloq kodeksining 16-moddasi (Xodim, talaba va doktorantlar dars mashg'ulotlari va ishga o'z vaqtida kelishlari, mehnat hamda o'qish intizomiga rioya qilishlari shart), 26-moddaning to'rtinchi xatboshisi (qonunchilik hujjatlari va mazkur Kodeks talablariga rioya etishga), oxirgi xatboshisi (shaxsiy avtomobilni taqiqlangan joyda qoldirmaslik, yo'l harakati qoidalarini buzmaslik va mensimaslikka (beparvo bo'lish), shuningdek, transport vositalaridan foydalanishda xavf-xatar yaratmaslikka majbur) talablarini buzgan.

Yuqoridagilarni inobatga olgan holda Oliy ta'lim to'g'risida Nizom (ro'yhat raqami 1222, 2003-yil 22-fevral), Toshkent davlat yuridik universiteti Odob-axloq kodeksi, shuningdek, J.Xudoyberdiyevning tushuntirish xatiga muvofiq

BUYURAMAN

1. Universitet Odob-axloq kodeksining 16 va 26-moddalarini buzganligi uchun Xalqaro huquq va qiyosiy huquqshunoslik fakulteti 4-kurs talabasi Xudoyberdiyev Javlonbek Ikrom o'g'liga hayfsan e'lon qilinsin.

2. Fakultet dekanlari (B.Musayev, D.Umarxanova):

ushbu buyruq bilan fakultet talabalarini tanishtirsin;

hayfsan e'lon qilingan talabaning shaxsiy yig'ma jildiga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA



Katta yuriskonsult

A.TURSUNOV

